



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2005. GODINU
ZELENIH BOSNE I HERCEGOVINE

Broj: 09-07-6-407/06
Sarajevo, 05.07.2007. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije.....	5
Obim kancelarijske revizije	5
4. PRETHODNE REVIZIJE.....	5
5. NALAZI KANCELARIJSKE REVIZIJE I PREPORUKE	5
5.1. NALAZI	5
5.2. PREPORUKE.....	5
KOMENTAR	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja političke stranke Zeleni Bosne i Hercegovine za 2005. godinu

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

1. Na osnovu obavljene kancelarijske revizije godišnjeg finansijskog izvještaja utvrđeno je da je politička stranka Zeleni BiH prekršila odredbe člana 5. stav 1. Zakona o finansiranju političkih stranaka.

Na osnovu našeg pregleda, odnosno revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja političke stranke Zeleni Bosne i Hercegovine za 2005. godinu

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Zeleni Bosne i Hercegovine je iskazala prihode u iznosu od 5.867,49 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	5.867,49	100,00%
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
8	Ostali prihodi	0,00	
	Ukupni prihodi:	5.867,49	100,00%

U godišnjem finansijskom izvještaju politička stranka Zeleni Bosne i Hercegovine je iskazala ukupne rashode u iznosu 5.866,34 KM.

2. PREDSTAVLJANJE POLITIČKE STRANKE

Naziv političke stranke: Zeleni Bosne i Hercegovine. Skraćeni naziv je Zeleni BiH.

Politička stranka Zeleni BiH je registrovana 13.04.2004. godine kod Kantonalnog suda u Zenici pod brojem R-IV-1/04.

Sjedište političke stranke je u Zenici, Zukići broj 22.

Za zastupanje stranke ovlaštene su Hasan Delić, predsjednik i Hasan Omerdić, potpredsjednik stranke. Osoba ovlaštena za podnošenje finansijskih izvještaja za 2005. godinu je Enisa Spahić.

Organizacionu strukturu stranke Zeleni BiH čine:

- Glavni odbor
- Opštinski odbor Zenica

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj političke stranke Zeleni BiH za 2005. godinu.

Cilj kancelarijske revizije je da revizor na bazi finansijskog izvještaja pokuša da ustanovi da li je politička stranka Zeleni BiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja političke stranke Zeleni BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i priloge fizičkih i pravnih lica.

4. PRETHODNE REVIZIJE

Do sada nije vršena revizija finansijskih izvještaja političke stranke Zeleni BiH.

5. NALAZI KANCELARIJSKE REVIZIJE I PREPORUKE

5.1. NALAZI

Na osnovu obavljene kancelarijske revizije godišnjeg finansijskog izvještaja utvrđeno je da je politička stranka Zeleni BiH prekršila odredbe člana 5. stav 1. Zakona o finansiranju političkih stranaka.¹

U toku 2005. godine stranka je primila prilog iz inostranstva od DIE GRÜENE ALTERNATIVE u iznosu od 3.000,00 EUR, (protuvrijednost 5.867,49 KM), što premašuje dozvoljeni limit za iznos 1.563,49 KM. Navedeni prilog politička stranka je na obrascu 3 finansijskog izvještaja pogrešno iskazala kao prihod od imovine.

5.2. P R E P O R U K E

Na osnovu uočenih nedostataka političkoj stranci Zeleni BiH se preporučuje:

- *Stranka treba postupati u skladu sa odredbama člana 5. stav 1. Zakona o finansiranju političkih stranaka.*

¹ Ukupan iznos jednokratnog priloga pravnih i fizičkih lica ne smije da premaši osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije da se dodjeljuje više od jednom godišnje. Maksimalan iznos priloga pravnih i fizičkih lica u 2005. godini može iznositi 4.304,00 KM

KOMENTAR

Politička stranka Zeleni BiH se dopisom broj: 42-2/07 od 26.03.2007. godine očitovala na Preliminarni izvještaj o pregledu godišnjeg finansijskog izvještaja za 2005. godinu kojim osporava nalaz revizije, navodeći da su uplatu sredstava izvršila dva pravna lica, te da nisu prekršene odredbe člana 5. stav 1. Zakona o finansiranju političkih stranaka.

Na ponovljeni zahtjev Službe za reviziju stranka je dana 12.06.2007. godine CIK BiH dostavila izvod iz Raiffeisen banke na kome je jasno iskazana uplata jednog pravnog lica (Die Gruene Alternative) u iznosu od 3.000,00 EUR-a (protuvrijednost 5.867,49 KM). Primjedbe stranke su neosnovane i nisu uvažene.

Hasida Gušić, šef Službe za reviziju - revizor